

Nr. \_\_\_\_\_ Prot.

Korçë, më 17.01.2025

**PROCESVERBAL- Tipi i kontratës - Shërbime**

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE  
KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**OBJEKTI I PROCEDURËS: “Blerje shërbimi zhvillimi dhe konfigurime për sistemin e fiskalizimit të faturave tatimore elektronike”.**

**KODI PËRKATËS NË FJALORIN E PËRBASHKËT TË PROKURIMIT (CPV): 48444100-3**

**VLERA E FONDIT LIMIT: 1.250.000 (një milion e dyqind e pesëdhjetë mijë) Leke pa TVSH.**

Në bazë të nenit 21, pika 2, të Ligjit Nr. 162/2020 “Për prokurimin publik”, të ndryshuar perkatesisht nenit 2, pika 2/c dhe nenit 78, pika 2, të VKM Nr. 285, datë 19.05.2021 “Për miratimin e rregullave të prokurimit publik”, të ndryshuar, autoriteti kontraktor Shoqëria Rajonale Ujësjetllës Kanalizime Korçë Sh.A (UKRK Sh.A), ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

**I. KRITERET E VEÇANTA TË KUALIFIKIMIT**

**1. Kandidati/ofertuesi duhet të dorëzojë:**

*a. Sigurim oferte, sipas Shtojcës 3 me vlerë 25.000 (njetzet e pese mijë) Lekë (2% të vlerës së përlllogaritur të kontratës).*

*b. Formulari përmbledhës i vetdeklarimit, sipas Shtojcës 10.*

Ada Lumani

Klea Bojko

Eluela Bicolli

**Argumentimi:** Kërkesat e mësipërme bazohen në nenet 76, 82 dhe 83 të LPP të ndryshuar, nenit 26, të VKM Nr. 285, datë 19.05.2021 “Për miratimin e rregullave të prokurimit publik të ndryshuar”.

## 2. Kapaciteti ekonomik dhe financiar:

2.1. Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për 3 (tre) vitet e fundit financiare 2022, 2023, 2024 ku vlera e xhiros për të paktën një nga vitet e periudhës së kërkuar duhet të jetë jo më e vogël se 500.000 (peseqind mijë) Leke.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM Nr. 285, datë 19.05.2021 “Për miratimin e rregullave të prokurimit publik” me ndyshime.

Përcaktimi i vlerës së kërkuar argumentohet bazuar në dispozitat e sipërpërmendura ku përcaktohet:

Autoriteti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi deri në 3 (tre) vitet e fundit financiare. Vlera e xhiros minimale vjetore që u kërkohet operatorëve ekonomikë nuk mund të tejkalojë: c) 40 % të vlerës së parashikuar të kontratës, në procedurat e prokurimit nën kufirin e ulët monetar, si dhe sipas parashikimit të nenit 55 të Rregullave të PP.

Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti kontraktor.

---

Kërkesa e mësipërme është në përpjesëtim dhe e lidhur ngushtë me objektin e kontratës. Ajo i shërben UKRK Sh.A, për njohjen e gjendjes financiare të operatorëve ekonomikë dhe të mundësisë së tyre për përmbushjen me sukses të kontratës.

*Shënim: Duke qenë se aktet ligjore dhe nënligjore parashikojnë një marzh për vlerën e xhiros që mund të kërkohet, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.*

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 29, të Ligjit Nr. 8438, dt. 28.12.1998 "Për Tatimin mbi të Ardhurat", i ndryshuar, ku përcaktohet: Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrisë të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës.

---

*Shënim: citoni dispozitën përkatëse të legjislacionit tatimor, ku përcaktohen afatet për paraqitjen nga tatimpaguesit të deklaratës vjetore pranë organeve tatimore).*

Ada Lumani

Klea Bojko

Eluela Bicolli

## 3. Aftësitë teknike dhe profesionale:

- Operatori ekonomik duhet të paraqesë dëshmi për shërbimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 250.000 (dyqind e pesedhete mije) Lekë pa TVSH .

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe faturave tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe shërbimet e realizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

**Argumentimi:** Kërkesa e mësipërme është përcaktuar bazuar në nenin 77 të ligjit Nr. 162, datë 23.12.2020 “Për prokurimin publik” te ndryshuar dhe nenit 41, pika 3, të VKM Nr. 285, datë 19.05.2021 “Për miratimin e Rregullave të Prokurimit Publik” me ndryshime. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin 55, pika 4/b të Rregullave të PP ku përcaktohet shprehimisht, citojmë:

Për kontratat e shërbimeve vlera totale e kërkuar duhet të jetë në një vlerë jo më të madhe se 20% të vlerës së përlllogaritur të kontratës, që prokurohet dhe që është realizuar gjatë tri viteve të fundit, nga data e shpalljes së njoftimit të kontratës."

Përcaktimi i vlerës së kërkuar për kontratat e ngjashme argumentohet si më poshtë:

Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën si më sipër, që është brenda vlerës kufi të përcaktuar në nenin e sipërcituar. Vendosja e këtij kriteri bëhet me qëllim krijim e bindjes tek Autoriteti Kontraktor UKRK SH.A., për aftësinë teknike të OE ofertues, nëpërmjet përvojave të duhura, që janë në përpjesëtim me natyrën e objektit të prokurimit dhe që ka aftësinë e duhur për zbatimin e kontratës siç është parashikuar nga AK.

---

*Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohet, autoritete kontraktore duhet të argumentojnë vlerën e kërkuar të kontratave të ngjashme brenda këtij marzhi.*

- Operatori ekonomik ofertues duhet të jetë i Certifikuar:

a) Operatori ekonomik prodhues ose mirëmbajtës i sistemeve software-ike, të referuar në Nenin 16 të Ligjit Nr. 87/2019 “Për faturën dhe sistemin e monitorimit të qarkullimit” duhet të jete i certifikuar nga AKSHI, në bashkëpunim me administratën tatimore qendrore, përpara fillimit të

ushtrimit të veprimtarisë së ofrimit të këtyre zgjidhjeve softwareike ose shërbimeve të mirëmbajtjes në territorin e Republikës së Shqipërisë.

b) sipas standardeve ISO të lëshuara nga organizmat e vlerësimit të konformitetit të cilat janë të akredituara nga DPA ose nga organizmat ndërkombëtare akreditues të njohur nga Republika e Shqipërisë, konkretisht:

- Çertifikatën e menaxhimit të cilësisë ISO 9001:2015 (ekuivalente) (e vlefshme). (Në rastet e bashkimit të operatorëve ekonomik, çdo anëtar i grupit duhet të paraqesë Çertifikatën ISO sipas zerave që do të marre persiper sipas akt-marreveshjes).
- Operatori Ekonomik duhet të disponojë Çertifikatën ISO 27001:2013 mbi “Sistemet menaxhimit të sigurisë së informacionit”, e vlefshme (ose ekuivalente). (Në rastet e bashkimit të operatorëve ekonomik, çdo anëtar i grupit duhet të paraqesë Çertifikatën ISO sipas zërave që do të marre përsipër sipas akt-marreveshjes).

**Argumentimi:** Kërkesa e mësipërme është përcaktuar bazuar në nenin 79 të ligjit Nr.162/2020, datë 23.12.2020 “Për Prokurimin Publik”, të ndryshuar si dhe bazuar në nenin 44 të VKM nr. 285, datë 19.05.2021 “Për miratimin e Rregullave të Prokurimit Publik” të ndryshuar.

Me anë të këtij kriteri kërkohet që operatorët ekonomikë pjesëmarrës të dëshmojnë i plotësojnë kërkesat e cilësisë, e rrjedhimisht është e drejtë e AK t’u kërkojë ofertuesve të paraqesin certifikata të lëshuara nga organe të pavarura të njohura nga Sistemet e Standardizimit Kombëtar ose Ndërkombëtar.

*ISO 9001 parashikon një tërësi rregullash që garantojnë një bazë rreziku parandalues ndaj cilësisë e cila mbulon një gamë të gjerë të çështjeve ku përfshihen: angazhimi i lartë i menaxhimit për cilësi nga furnizuesi, fokusin e klientit, përshtatshmërinë e burimeve të tij, kompetencen/profesionalizmin e punonjësve, procesi i menaxhimit (për prodhim, ofrimit të shërbimeve dhe proceset mbështetëse e administrative), planifikimin e cilësisë, dizenjimi i produkteve dhe shërbimet që ofron, garantimin e një procesi cilësor të furnizimit, sigurimin e konformitetit për mallrat dhe shërbimet, proceset e tij për të zgjidhur ankesat e konsumatorëve, veprime korrigjuese, dhe një kërkesë për të nxitur përmirësimin. Kjo kërkesë, dëshmon se mbajtësi i saj garanton standardet ndërkombëtare të menaxhimit të cilësisë së ushtrimit të aktivitetit tregtar të tij.*

*ISO 27001 ose ekuivalent është i rëndësishëm për të siguruar menaxhimin e sigurisë së informacionit e cilësisë të shërbimeve që kërkohen dhe lidhen me sistemet e teknologjise së Informacionit. Ky lloj certifikimi garanton AK se operatori ekonomik ka të implementuar një sistem menaxhimi të sigurisë për shërbimet e ofruara dhe zbatimin e kontratës në tërësi.*

- Operatori ekonomik duhet të ketë, personel teknik, prej të paktën 3 (tre) muajt e fundit nga data e publikimit të njoftimit të kontratës, që do të angazhohet në implementimin e projektit, duke pasur njohuri të kombinuar sipas kërkeses të mëposhtme:

- 3 (tre) punonjës të diplomuar në fushën e IT (inxhinieri informatike, informatike ekonomike, shkenca kompjuterike) nga të cilet:

- Te pakten 1 (nje) punonjes te jete i certifikuar ne implementim ose zhvillim te programit te faturimit ekzistues ose ekuivalent;
- Te pakten 1 (nje) punonjes te jete i certifikuar per zhvillim per Programin e Fiskalizimit te ofruar;
- Te pakten 1 (nje) punonjes te certifikuar per zhvillimin ose administrimin e baze se te dhenave qe perdor zgjidhja softwerike e ofruar ose ekuivalent.

Për të dëshmuar përmbushjen e këtij kriteri, operatorët ekonomikë duhet të paraqesin për punonjësit e sipërcituar dokumentacionin e mëposhtëm:

a. Diplomat perkatese dhe Certifikimet. Në rast se certifikatat janë në gjuhë të huaj operatori ekonomik duhet ti paraqesë të përkthyer sipas dispozitave ligjore në fuqi.

K. Bojko

b. Listëpagesën e 3 (tre) muajve të fundit.

**Shënim:** Për pikat e mësipërme operatorët ekonomik ofertues duhet të paraqesin formularin e vetëdeklarimit sipas shtojcës Nr.9.

Në cdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.

**Shënim:** Ndërsa operatori ekonomik i kualifikuar i pari duhet të dorëzojë pranë AK, *përpara publikimit të njoftimit të fituesit dhe nisjes së afateve ankimit*, të gjithë dokumentacionin provues për vetëdeklarimet në formularin përmbledhës të vetëdeklarimit.

**Argumentimi:** Kerkesat e mesiperme jane percaktuar ne baze te VKM Nr. 239, date 20.03.2020 Per kerkesat teknike dhe funksionale te zjedhjes software per proceduren e faturimit dhe te fiskalizimit si dhe procedura për kriteret e regjistrimit e prodhuesve e te mirëmbajtesve të zgjidhjeve software- ike dhe pikës 4, të nenit të 77 të ligjit Nr. 162, datë 23.12.2020 “Për prokurimin publik” dhe nenit 41, pika 4/ b), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës.

- Operatorët ekonomikë duhet të paraqesin autorizimin e prodhuesit/autorit/distributorit të autorizuar për objektin e prokurimit ose kontratë bashkëpunimi me prodhuesin e sistemeve te specifikuar vetem per te drejtat ne lidhje me procesin e fiskalizimit te faturave:

- Për Programin Kompjuterik “Al Billing”

**Argumentimi:** Aktualisht Shoqëria Rajonale Ujësjellës Kanalizime Korçë (SHRUKK) përdor: Sistemin e faturimit Al-Billing .

Suporti i prodhuesit/autorit/distributorit të autorizuar, është një dokument i rëndësishëm, pasi përveçse tregon origjinën e suportuesve që kërkohen në procedurë, na garanton se ofertuesi është i autorizuar për ofrimin tek AK të këtyre shërbimeve. Kjo garanci lidhet njëkohësisht edhe me

treguesit cilësorë të shërbimeve që kërkohen të blihen e që janë krijuar në standardet apo prodhues të zyrtarizuar. Ky kriter është jo diskriminues, është në përpjestim me natyrën dhe përmasat e kontratës dhe lidhet drejtpërdrejtë me aftësitë organizative, reputacionin dhe besueshmërinë e OE ofertues për aftësitë teknike. Kjo kërkesë i shërben autoritetit kontraktor për njohjen e mundësisë së OE-se për përmbushjen me sukses të kontratës.

- Operatoret ekonomike ne baze te Ligjit Nr. 2/2017 "Për Sigurinë Kibernetike" te ndryshuar, duhet te jene te afte për mbrojtjen e infrastrukturave kritike të informacionit dhe mbikëqyrjen e sigurisë kibernetike te cilat duhet te perfshijne:
  - a) Përgjegjësinë për ruajtjen e konfidencialitetit, integritetit dhe disponueshmërisë së të dhënave;
  - b) Protokolle për raportimin e incidenteve kibernetike.

K. Bojko

## **II. Argumentimi i specifikimeve teknike**

*Shënim: Përcaktoni specifikimet teknike, për shërbimet objekt prokurimi, sipas LPP, si dhe VKM Nr. 285, datë 19.05.2021, "Për miratimin e rregullave të prokurimit publik", duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët "ose ekuivalenti i tij/saj". Kujdes: Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të nenit 36, të LPP. Referime të tilla duhet të shoqërohen nga fjalët "ose ekuivalente".*

### **Specifikimet teknike**

Bazuar ne Ligjin Nr. 87/2019 Për faturën dhe Sistemin e Monitorimit të Qarkullimit dhe Udhëzim Nr. 16 datë 03.04.2020 Për faturën dhe Sistemin e Monitorimit të Qarkullimit dhe Vendimin Nr. 239 datë 20.03.2020 Për Kërkesat teknike dhe funksionale të zgjidhjes software për procedurën e faturimit dhe të fiskalizimit si dhe procedura për kriteret e regjistrimit e prodhuesve e të mirëmbajtësve të zgjidhjeve software-ike, Shoqëria Rajonale Ujësjellës Kanalizime Korçë Sh.A kërkon shërbimin e sistemit të fiskalizimit të faturave, me integrim me programin e Faturim – Arketimit AL Billing për të fiskalizuar faturat e abonenteve.

Të dhëna teknike që kërkohen për programin dhe shërbimin e fiskalizimit:

- a. Të regjistrojë shpejt dhe lehtë faturat elektronike, ku përfshihen faturat elektronike, faturat pa para ne dore, faturat me para ne dore, faturat shoqeruese dhe dhe veprimet e arkave.
- b. Të jetë i integruar me sistemin e faturimit Al-Billing që është në përdorim nga UKRK SH.A.

Faturat për të gjithë abonentët të merren automatikisht nga sistemi i faturimit dhe të fiskalizohen.

c. Faturat për veprimet të cilat nuk përfshihen në sistemin e faturimit AI-Billing, si psh lidhje të reja, ndryshim emri etj. të ketë mundësi të regjistrohen manualisht.

d. Të jetë i integruar me sistemin e faturimit AI-Billing që është në përdorim nga UKRK SH.A. për të marrë të gjithë informacionin e nevojshëm për arketimet e faturave.

e. Të dërgojë në shërbimin e fiskalizimit pagesat faturave elektronike, të cilat nuk raportohen nga bankat e nivelit të dytë.

f. Të gjenerojë raporte dhe informacion mbi faturat të cilat janë fiskalizuar ose jo.

g. Numri total i faturave të kërkuara për t'u fiskalizuar në muaj është 57.000.

Operatori Ekonomik duhet të këtë zgjidhjen e çertifikuar të software-it në formën e një aplikacioni individual, ose një sistemi kompjuterik të integruar, ose një aplikacion Cloud, i cili mundëson:

a. krijimin e një fature, një fature shoqëruese dhe vendosjen e të gjithë elementeve të nevojshëm;

b. vlefshmërinë e operatorit që lëshon faturën ose faturën shoqëruese;

c. dërgimin e sigurt të të dhënave në sistemin qendror, duke përdorur çertifikatën elektronike;

d. lëshimin dhe pranimin e faturave elektronike;

e. transmetimin automatik të të dhënave në administratën tatimore dhe marrjen e mesazhit

f. konfirmues nga administrata tatimore, pas verifikimit automatik të secilës faturë individuale ose fature shoqëruese;

g. ruajtjen e të dhënave të faturave ose të faturave shoqëruese;

h. gjenerimin e numrit të sigurisë së lëshuesit të faturës (NSLF) dhe numrit të sigurisë së lëshuesit të faturës shoqëruese (NSLFSH);

i. gjenerimin e kodit QR;

j. printimin e faturës ose thjesht kodit QR, në situata të përcaktuara në ligjin “Për faturën dhe sistemin e monitorimit të qarkullimit”;

k. të sigurojnë shkëmbimin e të dhënave në kohë reale dhe me autentifikim të sigurt të pajisjeve fiskale ekzistuese ose sistemit të fiskalizimit.

### ***Funksione të tjera që duhet të ketë programi:***

1. Bazat e të dhënave, të jenë të pa-aksesueshme jashtë këtij sistemi

2. Të ofroje mundësinë për të përcaktuar autorizime të detajuara se cilit përdorues apo rol; të mund të shikojë, administrojë llogari apo element ose ambiente të caktuara
3. Të ofrojë një mekanizëm për administrimin e privilegjeve në mënyrë të detajuar për funksionalitete të ndryshme. Në këtë mënyrë çdo përdorues ka akses vetëm tek ambientet, modulet apo raportet që i janë përcaktuar më parë nga një përdorues administrator.
4. Te hape llogari per operatoret perdorues sipas kerkeses se AK si dhe nje llogari administrator i cili te mund te shikojte veprimet e tij dhe te te tjereve si dhe te gjeneroje raportet e nevojshme lidhur me librat e shitjeve, librat e blerjeve, artikujve etj.
5. Të ofroje mundësinë për të përcaktuar autorizime të detajuara se cili përdorues apo rol të mund të shikojë, administrojë llogari apo element ose ambiente të caktuara
6. Të mundesoje regjistrimin e çdo krijimi, anulimi apo modifikimi dokumenti nga ana e përdoruesve.
7. Të mundesoje regjistrimin e datës, orës, përdoruesit dhe të IP-së së atij që ka kryer veprimin gjatë regjistrimit të auditimit.
8. Të mundesoje historikun e veprimeve, pra të mund të shihen dokumentet si kanë qenë para modifikimit.
9. Backup. Të dhënat të ruhen çdo ditë nëpërmjet një procesi automatik backup.

**Afatet e ekzekutimit të shërbimeve:** 12 (dymbëdhjete) muaj nga data e nënshkrimit të kontratës.

**Klea Bojko**